

天一閣藏明代方志選刊

天一閣藏明代方志選刊

雄

乘

叙雄乘

歲壬辰冬雄乘成少溪子適縮符來既服蒞敷厥庶典
咸既厥心即有闕者稽于衆僉曰諸苟完無已惟邑史
少溪子憫焉方圖厥成惟成之艱乃謀之鏡堂子鏡堂
子曰噫吾業已爲之矣惟力靡競靡競弗勤是故弗梓
因啓疇然就緒復相與訂正品秩彬彬焉蓋至是績
既底矣夫梓工也史業也惟業之修于工何有雄民雖
甚貧吾之俸亦可以贍吾何靳也夫吾何靳也夫鏡堂
子爲王元修氏博物洽聞天分高擅史才其爲乘也核
而精質而正嚴而有則旨遠辭文而不詭于雅是故可
以永式矣

嘉靖癸巳夏六月少溪謝九儀識

自叙

鏡堂王齊曰雄舊弗乘予諭雄之二年以太守北泉聞
 公命始乘之乘疆域以正封也乘山河以明績也乘風
 土以經俗也乘田賦以恤隱也乘建置以序位也乘禮
 制以昭度也乘官師以鑒治也乘人士以章獻也乘選
 舉以右教也乘祥異以示畏也三月迺既予不才是懼
 爰命諸子襲相校勘適少溪謝侯縮章蒞政遂筆削以
 傳焉嗚呼雄無其乘猶無雄也嘗聞前諭魏公綸前令
 馬公紀欲乘弗果今果乘者北泉少溪之功也予奚有
 焉叙厥始終以徵歲月若夫刪繁剔穢補闕止訛更有
 望于大方諸君子云



雄乘目錄

上卷

疆域第一

沿革

社屯

封土

分野

形勝

山河第二

山

河

淀類

故蹟

風土第三

俗尚

時序

土產

田賦第四

戶口

地畝

賦稅

子粒

稅課

建置第五

城池

公署

縣治

學校

屬

下卷

禮制第六

公儀

祀典

鄉儀

郵政

刑法

官師第七

撫臣

守將

判史

同知

判官

訓導


使臣

流寓


人士第八 仕籍 武功 孝子 義士 節婦


選舉第九 進士 舉人 貢生 監生 報効


祥異第十 祥異




06 A 36








縣治之圖



1001 A36

縣學之圖



雄乘上卷

新蔡王齊撰

疆域第一

乘曰於赫邦畿厥惟幽冀顧茲雄地晉儼崇關趙北燕南出夷入夏宰割分制因革變遷載籍孔昭古今可述

乘疆域

沿革今雄直隸保定府之屬縣也在晉神農氏王天下始有地里黃帝受命畫野分州都於涿鹿涿鹿雄在涿之南唐堯繼帝嚳而興還屬冀州如顓帝之所建虞舜受禪析冀為幽并雄為幽州南境夏殷如唐周興復分冀為幽并屬并州職方曰其武王仰觀俯察其分為燕以封召公奭又為燕地歷春秋戰國燕王喜十二年趙拔我武遂今安

方城今固遂入於趙秦滅六國置天下為四十郡雄屬上
谷今間項羽封滅荼王燕都薊是雄皆其地也漢高帝
十二年伐燕克之封盧縮為燕王改上谷為燕國分置涿
郡肇建易縣以屬于涿今西北古縣是也文帝元年改屬
河間國武帝置幽州刺史部并隸于幽景帝封縮孫降王
盧它為亞谷侯亞谷在城之東東漢獻帝時公孫瓚遷今
治號易京與武遂黑山賊連結為亂袁紹討平之遂復于
漢昭烈在蜀魏因有之晉改為易城縣永康後陷于石趙
據於慕容魏奪於符秦復於晉歸於元魏至高齊省入鄭
州自漢歷北朝咸屬幽州郡不改隋開皇三年廢郡為州
又屬于涿太業三年改州為郡遂屬河間唐武德元年改

郡為州始陸縣為北義州隸幽州總管府後七年改總管為都督府貞

觀六年併省州都置十道州廢八年復置歸義縣屬河北

道仍隸幽州都督府天寶十四載陷于祿山至德間肅宗

收復五代初建瓦橋關今南關也石晉割幽燕十六州賂

遼資兵伐唐雄沒於遼遼陞幽州為南京又更為析津府

周世宗顯德六年收復瀛鄭遂廢鄭置雄州始此名并縣

以容城新城來屬仍於瓦橋戍重兵與霸州益津關瀛州

高陽關相犄角以控扼幽薊宋太平興國六年以雄州新

鎮復置平戎軍改縣為歸信至道三年分天下州軍為十

五路遂屬河北路數為遼來侵景德間與定和議於狄夏

頭以白溝為界河政和二年賜州為易易郡置廣信軍宣

和間遣使約金人夾攻遼遼亡復其地改析津為燕山府
靖康以後燕冀北路皆沒於金金改易易為永定軍隸燕
京脚隸元至元二年軍關俱廢二十一年復建雄州隸大
都路總管府明年改大都為燕寧府又明年隸順天路又
隸保定路

國朝洪武初改州為縣改路為府因屬之又設雲川衛永樂

間遷於白楊口今縣編戶社十有二屯七

社屯人和社居民在城河西趙義和郝家西樓庄頭李郎留

魏常家利人葛村留村南楊大河楊定羅太平王克古縣

西侯留利人河沙留北楊孫村東李西李太平來河李村

馬家先王朱哥趙村西留大進福孤庄神堂東趙慶豐庄

謝西楊韓家王魏東楊小謝進福何哥趙哥邢哥慶豐頭

開口董家大姑劉豐樂村龍灣崔村小胡哥道務伙夏洪城

衆安村王村秋進賢洪城魚鱗大葛史哥泰哥賓興龍

石橋小務福順觀南李北李安寧上村留村民歌屯居民

北關保寧沐河禮義陳家定安李郎輯睦角溜致福家

狂殷富常家北關

王齊曰社爲土民屯爲遷民遷民皆不樂間遷南人填

實京師者遂以雲川貽地給之今生蔭衆而地不加一

遇水旱死徙多矣雖以七屯出三社之役猶爲不給請

并入以補土民之闕何如

封土縣在京師之西南二百有六十里保定府之東一百

有二十里其東爲霸州之保定關東南則文安南爲河間

之任丘西南則安州之高陽其西爲新安西北則容城其